

ხელშეკრულება №4/26

სახელმწიფო შესყიდვის შესახებ

ქ.თბილისი

10 აპრილი 2013 წელი

ერთის მხრივ ს.ს.ი.პ. – საქართველოს ოლიმპიური რეზერვების მზადების ეროვნული ცენტრი (შემდგომში „შემსყიდველი“) წარმოდგენილი მისი დირექტორის შალვა გოგოლაძის სახით და მეორეს მხრივ, შ.პ.ს. „იბერია ტექ ავტომოტივი“ (შემდგომში „მიმწოდებელი“) წარმოდგენილი მისი დირექტორის ლაშა მიგინეიშვილის სახით. საქართველოს მოქმედი კანონმდებლობისა და „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს.“ ქვეპუნქტის თანახმად, ვდებთ გამარტივებული შესყიდვის საშუალებით წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“- საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი ორგანიზაცია“ (შემდგომში „შემსყიდველი“) – ორგანიზაცია, რომელიც ახორციელებს შესყიდვას
- 1.4. „მიმწოდებელი“- პირი, რომელიც ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5. „საქონელი“ – ხელშეკრულების მე-2 მუხლით გათვალისწინებული საგანი.
- 1.6. „დღე“. „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი და CPV კოდი

ს.ს.ი.პ. – საქართველოს ოლიმპიური რეზერვების მზადების ეროვნული ცენტრის ბალანსზე რიცხული ერთი ა/მანქანისათვის CPV34312000 ძრავის ბალიშის, CPV34320000 ბურთულა სახსარის, სტაბილიზაციის ძელის კავშირის, ჭრიჭინას, CPV34322400 სამუხრუჭე ხუნდას, CPV34351100 საბურავების შესყიდვა დანართი №1-ის შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს 1348 (ერთიათასსამასორმოდარვა) ლარს.
- 3.2. ხელშეკრულების ღირებულება მოიცავს მიმწოდებლის ყველა ხარჯებს საქონლის მიწოდებასთან დაკავშირებულს და საქართველოს კანონმდებლობით დადგენილ ყველა გადასახადს, მ.შ. დღგ-ს.
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

4. საქონლის მიწოდების ადგილი და ვადა

საქონლის მიწოდება განხორციელდება ხელშეკრულების გაფორმებიდან 5 (ხუთი) დღის განმავლობაში, მიმწოდებლის მისამართზე: ქ.თბილისი, მარშალ გელოვანის გამზირი

5. მხარეთა უფლება-მოვალეობანი

- 5.1. მიმწოდებელი ვალდებულია:
 - ა) უზრუნველყოს წინამდებარე ხელშეკრულებით გათვალისწინებული საქონელის მიწოდება სათანადო ხარისხით და დანართი №1-ის შესაბამისად;
 - ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყონებლივ უზრუნველყოს აღმოჩენილი წუნის გამოსწორება (შეცვლა);
- 5.2. შემსყიდველი ვალდებულია:
 - ა) უზრუნველყოს მიწოდებული საქონლის ინსპექტირება.
- 5.3. მხარეებმა დაიცვან ხელშეკრულებით გათვალისწინებული ყველა პირობა.

6. ხელშეკრულების შესრულების კონტროლი

- 6.1. შემსყიდველის მიერ ხელშეკრულების შესრულების კონტროლი განხორციელდება, როგორც საქონლის მიწოდების დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 3 (სამი) დღეში შეცვალოს საქონელი ახლით ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება, დაუბრუნოს შემსყიდველს აღნიშნული საქონლის ღირებულება.

6.3. შემოწმების შედეგად გამოვლენილი დეფექტის ან წუნის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

6.4. ხელშეკრულებით განსაზღვრული პირობების კონტროლს განახორციელებს სსიპ- საქართველოს ოლიმპიური რეზერვების მზადების ეროვნული ცენტრის დირექტორის მოადგილე ქართლოს ჭუმბურიძე

7. საქონლის მიღება ჩაბარების წესი

7.1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა მიერ უფლებამოსილი წარმომადგენლის ხელის მოწერით, ინსპექტირების განმახორციელებელი პირის დადებითი დასკვნის საფუძველზე

7.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს სსიპ - საქართველოს ოლიმპიური რეზერვების მზადების ეროვნული ცენტრის ადმინისტრაციული განყოფილების უფროსი რამაზ ღვინევაძე

5. ანგარიშსწორების ფორმა და ვადები

8.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

8.2. მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული საქონლის მიწოდების შემდეგ ინსპექტირების შესაბამისი დასკვნის, ხელმოწერილი მიღება-ჩაბარების აქტის, სასაქონლო ზედნადების და საგადასახადო ანგარიშ-ფაქტურის საფუძველზე.

8.3. მიმწოდებელთან ანგარიშსწორება განხორციელდება მხარეების მიერ მიღება-ჩაბარების აქტის ხელმოწერისა და საგადასახადო ანგარიშ-ფაქტურის წარმოდგენიდან 10 (ათი) კალენდარული დღის განმავლობაში.

9. ხელშეკრულების შესრულების შეფერხება

9.1. თუ ხელშეკრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 5 (ხუთი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

9.2. იმ შემთხვევაში თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით. ხელშეკრულების მე-11 მუხლის შესაბამისად.

10. პირგასამტეხლო ხელშეკრულების პირობების შეუსრულებლობისათვის

10.1. წინამდებარე ხელშეკრულების მე-4 მუხლით გათვალისწინებული საქონლის მიწოდების ვადების გადაცილების შემთხვევაში ან 6.2. პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

10.2. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადაატარებს ხელშეკრულების ჯამურ ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

11. ხელშეკრულებაში ცვლილებების შეტანა

11.1. ხელშეკრულებაში ნებისმიერი ცვლილებების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. ხელშეკრულების შეწყვეტა

12.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევაში

12.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

12.3. ხელშეკრულება ასევე შეიძლება შეწყდეს მხარეთა ინიციატივით, ურთიერთ შეთანხმების საფუძველზე.

13. დაუძლეველი ძალა

13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუსრულებლობის შეუძლებლობების შესახებ.

13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან.

13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავები და მათი გადაწყვეტის წესი

ხელშეკრულების მოქმედების პირობებში წამოჭრილი ყველა დავა გადაიჭრება ურთიერთ შეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის მისი ხელმოწერიდან 2013 წლის 10 აპრილიდან და მოქმედებს 2013 წლის 30 ივნისის ჩათვლით.

15.2. ხელშეკრულება შედგენილია ქართულ ენაზე ორ ეგზემპლარად და აქვს თანაბარი იურიდიული ძალა. ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღესა და წელს.

16. მხარეთა რეკვიზიტები

„შემსყიდველი“ სსიპ- საქართველოს ოლიმპიური რეზერვების მზადების ეროვნული ცენტრი
საიდენტიფიკაციო კოდი: 209 467 851
მისამართი: ქ.თბილისი, თიანეთის გზატკეცილი №25
ტელეფონი: 268 80 01; 268 79 30;
ბანკი: სახელმწიფო ხაზინა
ელექტრონული მისამართი: olympiccentre@yahoo.com
ანგარიში: 200122900
სახაზინო კოდი: 390208

„მიმწოდებელი“ შ.პ.ს. „იბერია ტექ ავტომოტივი“
საიდენტიფიკაციო კოდი: 236093473
მისამართი: ქ.თბილისი, მარშალ გელოვანის გამზირი
ტელეფონი: 599 587296
ბანკი: სს„საქართველოს ბანკი“
ბანკის კოდი: BAGAGE22
ანგარიშსწორების ანგარიში: GE29BG0000000153512100

„შემსყიდველი“

„მიმწოდებელი“

შალვა გოგთლაძე

ლაშა მიგინიშვილი

ს.ს.ი.პ. – საქართველოს ოლიმპიური რეზერვების
მზადების ეროვნული ცენტრის დირექტორი

შ.პ.ს. „იბერია ტექ ავტომოტივი“-ს
დირექტორი

2013 წლის 10 აპრილის №4/26 ხელშეკრულების დანართი №1

№	ა/მანქანის დასახელება	CPV	შესყიდვის ობიექტი	განზ-ბა	რ-ბა	ერთეულის ფასი	თანხა
1	“Mercedes Benz E300 CDI” სახ. ნომერი FRF517	34312000	ძრავის ბაღიში MB M112, M113,M273	ცალი	2	100.00	200.00
34320000		ბურთულა სახსარი MB W202, W210 (შარავთი)	ცალი	2	25.00	50.00	
34320000		სტაბილიზაციის ძელის კავშირი (სტერჟინი) წინა მარცხენა MB W210	ცალი	1	15.00	15.00	
34320000		სტაბილიზაციის ძელის კავშირი (სტერჟინი) წინა მარჯვენა MB W210	ცალი	1	15.00	15.00	
34320000		ჭრიტინა MB	ცალი	2	29.00	58.00	
34322400		სამუხრუჭე ხუნდა MB 210,211, CLK-F	ცალი	1	60.00	60.00	
34322400		სამუხრუჭე ხუნდა	ცალი	1	50.00	50.00	
34351100		225/55 R16 95W FR sportiva Z55 ზაფხულის საბურავი	ცალი	4	225.00	900.00	
სულ თანხა: 1348 (ერთიათასსამასორმოდარვა) ლარი							

„შემსყიდველი“



შალვა გოგოლაძე

ს.ს.ი.პ. – საქართველოს ოლიმპიური რეზერვების
მზადების ეროვნული ცენტრის დირექტორი

„მიმწოდებელი“



შ.პ.ს. „იბერია ტექ ავტომობილი“-ს
დირექტორი


ხელწერილი ინტერესთა კონფლიქტის შესახებ

ქ.თბილისი


10 აპრილი 2013 წელი

გადასტურებთ, რომ “სახელმწიფო შესყიდვების შესახებ” საქართველოს კანონის მე-8 მუხლის თანახმად, სსიპ- საქართველოს ოლიმპიური რეზერვების მზადების ეროვნული ცენტრის მიერ CPV34312000 ძრავის ბალიშის, CPV34320000 ბურთულა სახსარის, სტაბილიზაციის ძელის კავშირის, ჭრიჭინას, CPV34322400 სამუხრუჭე ხუნდას, CPV34351100 საბურავების შესყიდვასთან დაკავშირებით გასაფორმებელ ხელშეკრულებაში, მითითებულ მიმწოდებელთან შ.პ.ს. “იბერია ტექ ავტომოტივი“-სთან ინტერესთა კონფლიქტში არ ვიმყოფებით.


ხელშეკრულების დადებაზე უფლებამოსილი პირი:

 შალვა გოგოლაძე

მიღება-ჩაბარებაზე უფლებამოსილი პირი:

 რამაზ დვინევაძე

კონტროლის (ინსპექტირება) განმახორციელებელი პირი

 ქართლოს ჭუმბურიძე